



Ukuhlomisa izingane zethu
ngelikusasa

Isiqinisiso 1

Isihloko sesifundo: IziNkonzo ezikhethekile phakathi konyaka

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa kusifundo: **IziNkonzo ezikhethekile phakathi konyaka**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi uthule kanjani lesi sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp: https://bit.ly/3NACSSHS
2.	Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo: • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). Qaphela: 2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile. 2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho! <i>Isikole sangeSonto ngokuvamile asidluli imizuzu engama-45.</i> 2.3: Lesisifundo silungele ibanga lesiQinisiso 1. 2.4: Uyacelwa uthinte uThisha wakho wesiQinisiso uma udinga noma yiluphi usizo noma uma udinga ezinye izinsizakufunda kulezi ezingenhla.
3.	Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba uthule ngayo.



Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

Isinyathelo	Okufanele ukwenze
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. Isibonelo: Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela (I Also Want To....)
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo sesi**Qinisiso -1** nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwako ucwaningo ukuze uthole ulwazi olungezekile.
4. Khuluma noMxhumanisi wesikole sangeSonto webandla lakho noma uThisha wesiKole abazimisele ukukusiza.



Isifundo

Isihloko	IziNkonzo ezikhethekile phakathi konyaka
Umbhalo weBhayibheli	Ayikho imibhalo yeBhayibheli yalesi Sifundo
Inhloso yesifundo	AbaQinisiswa bathola ukubukisisa konke mayelana namaholide kanye nezinkonzo ezikhethekile ezigujiwa ngamaKristu obuPhostoli oBusha phakathi nonyaka.

Isifundo esifingqiwe:

Amaholide ombuso namaholide obuKristu:

- Izinsuku zombuso zezikhumbuzo kanye namaholide kugujwa ukukhumbula imicimbi ebalulekile yezwe. Ezweni lakithi ngokwesibonelo sigubha uSuku lwamaLungelo Abantu ngomhlaka 21 kuNdasa noSuku lweNtsha ngomhla-ka 16 kuNhlangulana.
- Amaholide esonto noma amaholide obuKristu agujwa ukukhumbula izehlakalo ezibalulekile empilweni kaJesu Kristu futhi axhumene ngqo nohlelo lukaNkulunkulu lwensindiso. Lena mikhosi yobuKristu ibaluleke kakhulu ekukholweni kwethu futhi iqinisa ukholo lwethu ekusindisweni kwethu nasekubuyeni kukaKristu.

Lamaholide alandelayo ahlonishwa njengamadili esonto:

- **UKhisimusi** - siyajabula ngokuzalwa kukaJesu, isipho sethu esikhulu kunazo zonke. Lesi sikhumbuzo sokuza kokuqala kweNdodana kaNkulunkulu siqinisa inkolelo yethu ekubuyeni kwaYo. Idili lokuphana.
- **ISonto Lamasundu** (iSonto langaphambi kwePhasika) - ISonto Lamasundu liphawula ukuqala kweViki Lokuthinteka emoyeni. Ukungena kukaJesu eJerusalema.
- **NgoLwesihlanu Omuhle** - ukukhunjulwa kokubethelwa esiphambanweni nomhlatshele wokufa kukaJesu Kristu ukuze kusindiswe izidalwa zabantu (isintu).
- **IPhasika** - ukukhunjulwa kokuvuka kwabafileyo kukaKristu.
- **USuku lokweNyuka** - Ezinsukwini ezingamashumi amane ngemva kwePhasika uJesu wakhushulelwa ezulwini ngefu.
- **IPhentekoste** (iSonto lesikhombisa emva kwePhasika) - Isithembiso sikaJesu sokuthi uzothumela uMoya oNgcwele sagcwaliseka ezinsukwini ezingama-50 ngemva kokuvuka kwaKhe kwabafileyo. Lolu suku luphinde lubizwe nangokuthi usuku lokuzalwa lwebandla likaKristu. INhloko yabaPhostoli ibikezela ngombhalo okhethekile weBhayibheli kubantu bakaNkulunkulu ngalolusuku. Izwi leBhayibheli lika-2020 kwakungu- 2 KwabaseKorinte 3: 17.

IPhasika lisesikhathini esihlukile minyaka yonke - idili elihlelekayo. Ligujiwa ngeSonto lokuqala kulandela ukugcwalwa kwenyanga yokuqala entwasahlobo (eNyakatho Nenkabazwe) noma inyanga yokuqala egcwele Ekwindla (eNingizimu Nenkabazwe).

IziNkonzo eziNgcwele ezikhethekile:



- **I-Adventi** (Isikhathi sokuza kukaJesu emhlabeni) - Lesi yisikhathi sokulinda nokulungiselela umkhosi lapho kuzalwa khona uJesu. AmaSonto amane ngaphambi kukaKhisimusi ngamaSonto e-Advent.
- **IziNkonzo eziNgcwele zaBalele** zibaluleke kakhulu eBandleni lethu. Zenzeka kathathu ngonyaka futhi njalo ngeSonto lokuqala lezinyanga zikaNdasa, uNtulikazi noLwezi.
- **UMbongo** (ngeSonto lokuqala kuMfumfu) - INkonzo eNgcwele lapho sikhombisa khona ukubonga kwethu ngokuthembeka kukaNkulunkulu endalweni yaKhe. Sibizelwa ukuletha umnikelo okhethekile wokubonga.
- **USuku ngaphambi koNyaka Omusha** ngomhla ka-31 kuZibandlela - ligujwa ngosuku lwangeSonto lokugcina kuZibandlela.
- **USuku loNyaka Omusha** (1 kuMasingana noma ngosuku lwangeSonto lokuqala lonyaka) – Inhloko yabaPhostoli yethu inikeza umbhalo weBhayibheli weNkonzo eNgcwele yoNyaka Omusha futhi umemezela nengqikithi / isiqubulo soNyaka Omusha.

Ingabe sisho ukuthini lesisifundo kithina namhlanje na?

- Amaholide esonto nedili kugujwa ukukhumbula izehlakalo empilweni kaJesu futhi kubaluleke kakhulu ekukholweni kwethu.
- Ukukhunjulwa kwalena micimbi kusikhumbuza ngempilo kaJesu nokuzidela kwaKhe futhi kuqinisa inkolelo yethu ekubuyeni kwaKhe.

Ingabe bowazi na?

1. IPhasika ligujwa ezinsukwini ezahlukile minyaka yonke. Ingabe lunqunywa kanjani usuku lwalo na?

Impendulo: IPhasika ligujwa ngeSonto lokuqala kulandela ukugcwala kwenyanga yokuqala ngemuva kweNtwasahlobo (eNyakatho neNkabazwe) noma Ekwindla (eNingizimu yeNkabazwe) ngesikhathi lapho usuku lwemini nobusuku kulingana khona ngobude emhlabeni wonke (equinox).

2. Ingabe siyini isihloko sethu noma isiqubulo sonyaka ka-2021 na?

Impendulo: UKristu, Ikusasa Lethu!

3. Ingabe yini iAdventi futhi yinde kangakanani na?

Impendulo: Yisikhathi sokulinda nokulungiselela umkhosi lapho kugujwa khona ukuzalwa kukaJesu. Isikhathi sokulinda esingamaSonto amane ngaphambi kukaKhisimusi.



UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane

Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe

Amen